



Vogošća, ul. Jošanička, br. 80; tel: 00387 33 586 413, fax: 586 418

Broj: 03-14-1811/17
Vogošća, 05.12.2017. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 05.12.2017. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE PREVOZA ŠKOLSKE
DJECE NA PODRUČJU OPĆINE VOGOŠĆA ZA PERIOD 2017-2020. GODINE**

Član 1.

Ponuda ponuđača "VILDAN TOURS" d.o.o Sarajevo, ulica Donji Hotonj broj: 18. Vogošća, odabrana je za pružanje usluge prevoza školske djece na području općine Vogošća za period 2017-2020. godine, kao najpovoljnija ponuda po kriteriju najniže cijene, sa ukupnom cijenom nabavke u iznosu od 60.690,60 KM bez uračunatog PDV-a, odnosno 71.008,00 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 06.11.2017. godine donio Posebnu Odluku o pokretanju postupka nabavke pružanja usluge prevoza školske djece na području općine Vogošća za period 2017-2020. godine, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 07.11.2017. godine pod brojem: 1353-1-2-114-3-68/17. Sažetak Obavještenja o nabavci objavljen je u "Službenom glasniku BiH" broj: 81/17 od 10.11.2017. godine. Tendersku dokumentaciju sa Portala javnih nabavki BiH je preuzelo 6 (šest) ponuđača. Na prvoj sjednici Komisije za javne nabavke, prilikom otvaranja ponuda dana 28.11.2017. godine, konstatovano je da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"GLOBTOUR" d.o.o. Međugorje	67.083,34	/	/	78.487,51
2	"CENTROTRANS- EUROLINES" d.d. Sarajevo	69.120,00	/	/	80.870,40
3	"VILDAN TOURS" d.o.o. Sarajevo	60.692,31	/	/	71.010,00

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 03-14-1811/17 iz novembra 2017. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "GLOBTOUR" d.o.o. Međugorje,
- "CENTROTRANS-EUROLINES" d.d. Sarajevo i
- "VILDAN TOURS" d.o.o Sarajevo

ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Komisija za javne nabavke je pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te izvršila računsku provjeru dostavljenih ponuda, nakon čega je utvrđeno da postoji računski grešaka u ukupnom iznosu ponuda ponuđača "GLOBTOUR" d.o.o. Međugorje i "VILDAN TOURS" d.o.o Sarajevo.

Komisija za javne nabavke postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računskih grešaka te ih dostavila na davanje saglasnosti ponuđačima "GLOBTOUR" d.o.o. Međugorje i "VILDAN TOURS" d.o.o Sarajevo.

Ponuđač "VILDAN TOURS" d.o.o Sarajevo je svojim aktom broj: 12-04/2017 od 04.12.2017. godine dao saglasnost na ispravku računski greške, tako da umjesto ukupne ponuđene cijene u iznosu od 60.692,31 KM bez PDV-a, ukupna cijena ponude nakon prihvaćene ispravke od strane ponuđača iznosi 60.690,60 KM bez PDV-a.

Ponuđač "GLOBTOUR" d.o.o. Međugorje je svojim aktom broj: 091-12/17-MP od 05.12.2017. godine dao saglasnost na ispravku računski greške, tako da umjesto ukupne ponuđene cijene u iznosu od 67.083,34 KM bez PDV-a, ukupna cijena ponude nakon prihvaćene ispravke od strane ponuđača iznosi 67.084,20 KM bez PDV-a.

Komisija za javne nabavke konstatuje da su svi ponuđači u skladu sa tačkom 9.2.1. TD u svojim ponudama dostavili Potvrde vanjskotrgovinske komore BiH, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj 83/16).

Nakon toga Komisija za javne nabavke je sačinila Rang listu u Otvorenom postupku javne nabavke pružanja usluge prevoza školske djece na području općine Vogošća za period 2017-2020. godine kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"VILDAN TOURS" d.o.o. Sarajevo	60.690,60	/	/	71.008,00
2	"GLOBTOUR" d.o.o. Međugorje	67.084,20	/	/	78.488,51
3	"CENTROTRANS- EUROLINES" d.d. Sarajevo i	69.120,00	/	/	80.870,40

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "VILDAN TOURS" d.o.o. Sarajevo, za pružanje usluge prevoza školske djece na području općine Vogošća za period 2017-2020. godine, sa ukupnom cijenom nabavke u iznosu od 60.690,60 KM bez uračunatog PDV-a, odnosno 71.008,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- | | |
|--|-------------|
| 1. "GLOBTOUR" d.o.o. Međugorje | 036/653-251 |
| 2. "CENTROTRANS-EUROLINES" d.d. Sarajevo | 033/464-040 |
| 3. "VILDAN TOURS" d.o.o. Sarajevo | 033/463-659 |
| 4. Nadležnoj Službi | |
| 5. U dosije | |
| 6. a/a | |

OPĆINSKI NAČELNIK


EDIN SMAJIC